

小兒衛生總微論方

四

中國醫學大成第十集

兒科類甲
兒科叢刊之一

小兒衛生總微論方
四

上海大東書局印行

小兒衛生總微論方

卷九

吐瀉論上

小兒吐瀉者。皆由脾胃虛弱。乳哺不調。風寒暑溼。邪干於正之所致也。其證不一。今條敘之。附見

吐逆自生下便吐者。此是兒初生之時。拭掠口中穢血不盡。因咽入喉故也。

吐逆胸膈滿悶。氣急者。此因兒啼哭未定。氣息未勻。乳母忽遽以乳飼之。兒氣尙逆。乳不得下。停滯於胸膈之間。因更飲乳。前後相沓。氣不宣通。故氣逆而乳隨出之爲吐也。宜調其氣而止吐。古書亦曰。大哭之後食乳者。多成吐瀉也。

吐逆腹脹喘息。乳不化。夾青水面青脣白者。此因乳母冒寒取涼。食冷飲寒。致冷氣入乳。變壞其汁。而不撿去。仍以飼兒。或能食者。因以冷物飼之。其冷乳冷食入腹。與氣相搏。傷於脾胃。則氣逆而吐也。其證若此。宜溫胃止吐調氣。若傷重

有停滯者。以穩藥磨化。不可駛下。恐脾胃愈虛而生風也。凡風冷變壞之乳。當捻去之。暫斷乳兒。令乳母服藥溫腹。然後飼兒。若不捻去。非只令兒吐逆。腸胃虛者。冷因得入。亦下利也。

吐逆身熱。吐瀾成片子者。胃有熱也。此因乳母冒熱。或因飲酒。熱入其乳。變壞其汁。而不捻出。仍以飼兒。或兒乘熱哺啜。致熱氣入胃。與氣相搏。致氣逆而吐也。其證若此。如久有積熱者。必四肢生瘡。多渴而面黃。宜微下之。虛者以穩藥磨化。後調其氣。

吐逆身熱。鼻青呵欠頓悶。口中氣熱。夜間發躁者。此傷風吐也。因解脫失宜。風冷襲之。搏於血氣。故身熱呵欠頓悶。口中氣熱也。氣不得順。故逆而作吐也。宜調氣止吐。發散風冷。

吐逆脣黑。面黃多啼。有痰吐氣臭者。此脾胃有傷也。宜先下之。後調其氣。

吐逆早晚發熱。睡臥不安者。此驚吐也。心熱則生驚。故睡臥不安。而神不寧也。心神不寧。則氣血逆亂而吐也。宜與鎮驚去熱止吐。

吐逆面晄白。無精光。口中氣冷。口頻撮。不思乳食。吐水者。胃氣不和也。宜補脾胃。

吐逆痰涎色黃稠黏上壅者。胃熱也。若吐痰涎白沫。或吐沫者。胃虛冷也。熱者宜微利之。冷者宜溫補之。

吐逆痰涎及有血者。此肺熱也。久則肺虛成痿。昔錢乙治段齋郎子四歲。身熱吐痰。嗽數日而咯血。他醫以桔梗湯。防己圓治之不愈。涎上攻。吐喘不止。遂請乙治。乙下褊銀圓一大服。復以補肺湯。補脾散爲治。乙曰。此子咯血。肺虛也。肺雖咯血。有熱故也。久則虛痿。今涎上潮而吐。當下其涎。若不吐涎。則爲甚便。蓋吐涎能虛。又生驚也。痰實上攻。亦能發搐。依法只宜先下痰。而後補脾肺。必涎止而吐愈。爲順治也。若先補肺爲逆耳。乙所用藥方。本集載之。此所謂識病之輕重先後爲治也。

哕者。比吐逆異也。吐者乃邪搏胃氣。逆而上行。穀不能傳化。隨氣出也。哕者但氣逆而欲吐。吐則穀無所出。故俗謂乾嘔也。哕者乃兒因吮乳汁過多。胃滿而上溢出也。故俗呼謂之噫嘔。當便與空乳令吮。即定。若頻久吮之。亦能爲病。

瀉論

瀉色白者。冷瀉也。此由小兒腸胃虛弱。因解脫風冷干之。或因食寒飲冷。入於腸

胃冷氣相搏。爲下利也。其色白面白。或腹痛者。並宜調中。若又傷風冷。前後重沓。冷甚則瀉不止。而爲泄注也。

瀉色赤者。熱瀉也。此由小兒腸胃本挾虛熱。而風冷乘之。入於腸胃之間。熱氣相搏。而爲利下。故其色赤也。宜微下之。以導其熱。後調其氣。

瀉色乍赤乍白。或水或穀者。此冷熱瀉也。由小兒腸胃先因有冷。而復傷熱。或先有其熱。而復傷冷。腸胃宿虛。冷熱交攻。而爲利下。宜調其冷熱。和養其氣。

瀉色黃赤紅黑者。皆熱也。赤黑者有毒。並微下之。然後調氣。

瀉色青發熱。有時睡臥不安者。此驚瀉也。小兒糞黃。脾胃土之本色也。色青者。肝木爲風。肝木來刑脾土。宜早治之。不爾。則變脾風。而發癰癥。則難治也。所謂糞青者。須纔便下。便色青是也。若初下時黃。良久乃青者。非也。小兒安者。皆然。不可認爲青糞也。若瀉青色白。穀不化者。此謂冷也。宜溫補脾胃。發散風冷。

瀉釀下色赤白。腹大上青筋見。髮稀饒啼。或喫泥土。時有蛭蟲。此疳瀉也。宜止瀉。

退疳。

治方具於疳門之下。

瀉多日。唇口及糞色皆白。糞頗多者。久因成冷。脾胃衰困。恐變脾風發癰。宜以藥。

防備而溫養。補助脾胃。

瀉於暑熱時多患者。謂時熱及飲食皆冷故也。不傷於熱。必傷於冷。若傷熱伏暑而瀉者。則心藏煩熱。必小便不利。清濁不分。瀉色赤黃。宜利小便。解暑熱。若小便快而瀉者。冷瀉也。色必青白。穀不化。宜溫脾胃止瀉。

瀉者不可急以熱藥止之。多變爲痢而下膿血也。當審察冷熱證候。詳度緩急施治也。

吐瀉

吐瀉多病於春夏秋三時。惟冬時絕少者。蓋吐瀉皆因脾胃虛冷熱所致。以冬時陽氣在內。多食溫暖。少飲水漿故也。設有患者。必因傷於乳食也。若春時病吐瀉者。多因於風。夏時病者多因於熱。秋時病者多因於冷。凡治吐瀉者。必當參其時候。觀其形證。察其溫涼寒熱。如此則無誤矣。

傷風吐瀉

傷風吐瀉。身溫。乍涼乍熱。呵欠頓悶多睡。口中氣粗而熱。大便黃白色。嘔吐乳食不消。時欬嗽。宜散風補肺。如先已曾經下。或無下證。慎不可下也。此由脾肺受

寒。不能入脾也。更有五藏兼見之證。發散者化大青膏服之。補脾者後服益黃散。此錢乙所用藥也。方在本集。

傷風吐瀉。身熱多睡。能乳呵欠頓悶。口中氣熱。飲水不止。吐痰大便黃水。此爲胃虛。熱渴吐瀉也。當生胃中津液。以止其渴。錢乙用白朮煎湯服之。然後發散風冷。亦用大青膏。又云吐瀉昏睡露睛者。胃虛熱也。吐瀉昏睡不露睛者。胃實熱也。

傷風吐瀉。身涼吐沫。瀉青白色。呵欠悶亂。不渴。哽氣長出。昏睡露睛。此傷風荏苒輕怯。因成吐瀉。當先補脾。錢乙先用益黃散。後發散其風。用大青膏。此二病於春冬多也。

傷食吐瀉

吐瀉乳食不化。其吐及糞。皆有酸臭氣者。此傷食吐瀉也。凡吐乳瀉黃赤者。傷熱乳食也。若吐乳瀉青白者。傷冷乳食也。並宜微下之。後和胃氣。虛者以緩化滯藥漸磨化之。

吐瀉在初生三日內。壯熱不乳。大便乳不消化。或白色者。是傷乳。當微與下。後和

胃氣。虛者以緩化滯藥漸磨化之。吐瀉在初生三日已上至十日。身溫涼。不思乳。大便青白。乳不消化。此上實下虛也。更有五藏兼見證。瀉其所實者而補其脾胃虛者也。

吐瀉有兼藏證者。兼肺則睡露睛喘氣。兼心則驚悸飲水。兼脾則困倦饒睡。乃脾胃之病。兼肝則呵欠頓悶。兼腎則不語畏明。

昔錢乙治馮承務子五歲。吐瀉壯熱。不思食。乙見兒目中黑睛少。白睛多。面色眇白。乙曰。此子必多病。面色眇白者。神怯也。黑睛少者。腎虛也。本怯而虛。故多病也。縱長成必肌膚不壯。不耐寒暑。易虛易實。脾胃亦怯。更不可縱於酒欲。若不保養。不過壯年也。面上常無精神光澤。如婦人之失血也。今吐瀉不食壯熱者。微有傷食也。又虛怯則不可下。下之虛入肺則嗽。入心則驚。入脾則困倦。入腎則加虛。但當以藥磨化之。爲微有食傷也。若重傷則須下之。不下則成癖也。若實食在內。乃可下也。下畢補脾必愈。隨其虛實。無不效者。乙所用藥。其方在本集載之。

冷熱吐瀉

吐瀉在五月中已後。身壯熱者。此熱也。小兒藏府中十分中九分熱。此因傷熱乳。或胃熱入內。吐乳不消。瀉深赤色。宜與解熱。錢乙用玉露散。

吐瀉在六月中已後。身大溫而似熱。藏府中六分熱。四分冷也。嘔吐乳食不消。瀉

色黃多白。少似褐。或食乳。或不食乳。宜少補脾。而大解熱。錢乙少用益黃散。多

用玉露散。更宜審察冷熱。如兒大熱。瀉色赤黃者。此熱多。依五月中後治之。昔

錢乙治廣親北宅四大王宮五太尉。六月中吐瀉。米穀不化。衆醫用溫藥。一日

而加喘吐不定。乙曰。當用涼藥治之。謂傷熱在內也。衆醫皆言吐瀉多而米穀

不化。當補脾胃。何得用涼藥。王信衆醫。又用補脾溫藥。乙曰。不可服。此三日外

必腹滿身熱。飲水吐逆。三日外一如所言。謂六月熱甚。伏入腹中。而令引飲。熱

傷脾胃。即大吐瀉。他醫又行溫藥。即上焦亦熱。故喘而引飲。三日當死。衆醫不

能治。復召乙。乙見有熱證。以白虎湯三服。更以白餅子下之。一日減藥二分。二

三日又與白虎湯二服。四日用石膏湯。及旋覆、麥門冬、黃芩、腦子、牛黃、天竺黃、

茯苓。以硃砂爲衣。竹葉湯下五圓。熱退而愈。乙所用方。本集載之。

吐瀉在七月中已後。身溫藏府中三分熱。七分冷也。不能食乳。多似睡。悶亂哽氣。

長出。昏睡露睛。脣白多呃而不渴。錢乙於食前令多服補脾益黃散。於食後少服解熱玉露散。更宜相度冷熱。若身大溫。瀉後黃者。依六月中已後爲治也。昔錢乙治廣親七大尉七歲吐瀉。是時七月。其證全不食而昏睡。睡覺而悶亂。哽氣乾嘔。大便或有或無不渴。衆醫疑睡作驚治之不愈。乙曰。當先補脾而後退熱。與使君子圓補脾。石膏湯退熱。次日以水銀。硫黃二物末之。生薑水調下一字。乙曰。凡吐瀉五月內九分下而一分補。八月內十分補而無一分下。此皆是脾虛瀉。醫妄治之。至於虛損。下之卽死。故只當補脾。若以使君子圓恐緩。已又留溫胃益脾藥止之。有一李醫問曰。何食而噦。乙曰。脾虛不能食。津液少卽呃逆。又曰。何瀉青褐水。乙曰。腸胃至虛。冷極故也。乙治而愈。其方本集載之。

吐瀉在八月中已後。身冷無陽也。不能食乳。乾呃瀉青褐水。錢乙只用益黃散補脾不可下。

吐瀉所論冷熱時月。此錢乙以中原之地言也。今較之江浙。則氣候不同。今江浙之地。二三月尙寒。四五月溫暖。六月入伏之後纔熱。七月熱盛。八月熱尙未退。雖冬月晴多便暖。雖夏月陰多便寒。不可槩以中原冷熱時候。便爲定論。經所

謂東西南北之異地。溫涼寒熱之異宜。況每歲寒熱。自隨時令早晚。難以拘定。月日也。候之者。乘其至也。謂至其熱。則從熱治。至其溫。則從溫治。至其寒。則從寒治。至其涼。則從涼治。此乃隨四時之氣。各適其宜。

吐瀉於夏秋大熱之時。伏暑傷冷。則心藏煩躁。小便不利。清濁不分。陰陽二氣相干。名曰氣亂。亂於腸胃之間。名曰霍亂。其證乘熱傷冷。氣逆而喘。腹脇脹滿。身熱脈亂。頭痛體疼。如傷寒之狀。上即大吐。下即大瀉。重者四肢厥冷。脚脛轉筋。法當調順其氣。分別清濁。升降陰陽。若只伏暑吐瀉者。則小便不利。其證雖與上證稍同而輕。非霍亂比。瀉色赤黃。此但只名伏暑吐瀉。不爲霍亂也。治霍亂吐瀉。若熱多而渴者。五苓散。寒多不渴。而心腹身體疼痛。及煩躁渴。不能飲者。可服理中湯。寒甚腹痛轉筋。四肢拘急者。理中湯加附子。汗出惡寒。手足厥冷。下利清穀。內寒外熱。脈微欲絕者。並四逆湯。已上諸證。並可與香薷散服之。以他藥不能療。此證也。治伏暑吐瀉。若小便不利。與五苓散利小便。及與香薷散解伏暑。壅蓮散。救生丹止吐。

吐瀉不拘何時。則令脾胃虛弱。多致生風。而爲脾風慢驚也。以脾土衰而肝木來

刑故爾。當先補脾胃。不令困弱。則風不生。而病易愈也。
吐瀉已定。未定煩渴者。皆津液內耗也。不問新久。宜煎錢乙白朮散。使滿意取足。
飲之多。卽愈好。不爾。卽津液內耗。而引飲不止。內生其熱。外邪相干。則證變百
端。以成他病。漸至危困也。

小兒衛生總微論方

卷九 吐瀉論上

小兒衛生總微論方

卷十

吐瀉方下

治吐方

木瓜圓 治自生下便有吐證。此因初生時。拭掠口中穢液不盡所致。

乾木瓜末

麝香

膩粉

木香末

檳榔末各一

右研勻。麵糊和丸。粟米大。每服一二丸。甘草水下。無時服。

壅氣丸 治啼哭未定。便令食乳。氣逆停滯。心胸滿悶。氣急吐逆。

巴豆三個去皮 胡椒十個

丁香香十個

青橘十個湯浸每一

香一個以麻縷纏之餘並同

右用釀米醋一碗。煮藥至醋盡爲度。取出細切焙乾。同爲細末。粟米糊和丸。裏

米大。每一二歲兒三二丸。三四歲兒四五丸。飲下。日三服。此藥利胸膈。然後復進觀音散一二服補氣。食前。

和胃膏 治哭啼飲乳。氣逆噎塞。及胃虛氣不升降。胸膈痞滿。吐逆不時。

人參去蘆

藿香葉去土

水銀

枇杷葉先炙去毛生薑汁塗炙令

熟香

白茯苓各一兩

甘草炙半兩

肉豆蔻麵裹煨熟

硫黃

研細入鐵銚同水銀一處拌勻於火上炒不住手研如泥放冷各半兩

右同爲末。次將硫黃水銀砂勻入之。再研勻細。煉蜜和膏。每一歲兒桐子許。生薑棗湯化下。量大小加減。亦治人番胃。服一皂子許。

白附子丸 治傷風冷吐逆。及治糞青下瀉。

白附子末一分

蠍梢研一分

舶上硫黃半兩研細

右先將半夏半兩。湯洗淨。生爲末。生薑自然汁和劑。捻作餅子。小錢大。沸湯內煮至熟。取出研成膏。入三味藥末和之。如乾添少湯。丸蘿蔔子大。每服二三十丸。米湯或乳汁送下。無時。

羌活膏 治傷風吐逆。亦能截痢定瀉。

羌活去蘆

獨活去蘆

人參去蘆

白茯苓

防風去蘆并枝

肉桂去粗皮不見火

全蠍炒各分

硫黃三錢

水銀一錢與硫黃同研青色至不見水銀星子爲度

右同爲細末。煉蜜和膏。每用量大小。旋學嬰孩大豆許。三二歲鷄頭大。五七歲

兒龍眼大。並薄荷水化下。

託養丸 治傷食吐逆。心胸滿悶。陰陽痞。手足厥冷。煩熱躁悶。

硫黃

水銀各半兩同研

附子半兩炮去皮臍

木香半兩

當歸去蘆洗淨 黃一兩溼紙裹煨熟

右爲細末。煉蜜和丸。櫻桃大。每服一粒。生薑湯化下。無時。

硃砂丸 治驚吐不止。

硃砂

乳香各一錢

半夏洗淨七次 夏薑汁浸一宿切焙

右同爲細末。薑汁糊丸。黃米大。每服五七丸。乳香湯下。無時。

紫霜丸 治如前。

硃砂五分

杏仁三十粒去皮尖炒黃

右同研細。糊丸麻子大。每服五七丸。桃心湯下。乳食前。

三香丹 治挾驚吐逆不止。

藿香葉去土

丁香

香雨各半

麝

香當門子半錢研

膩

粉半分

半

夏一錢湯浸七次焙乾龍

腦半錢

右爲末拌勻。生薑自然汁糊和丸。黍米大。每服十丸。人參薄荷湯送下。無時。

四季散 治驚吐及番胃。諸藥不效者。服之立驗。

右以好硫黃半兩。研細。入水銀一分。同再研至無星。如墨煤色。再用一錢或半

錢。以生薑自然汁同酒各半同煎。用少許調藥空心服之。服畢覆臥。當自汗出

乃愈。

集香散 治脾胃不和。氣虛吐逆不食。漸成羸瘦。

丁香

沉香

木香

白朮

藿香葉去土

製厚朴各半

白茯苓

白豆蔻各一

右爲細末。入麝香少許拌勻。以水半升。蜜四兩。大棗十五箇。生薑十五片。於銀器內慢火熬成膏。去薑棗不用。以膏和藥丸如皂子大。於當風處膏乾。每服一

丸。米飲化下。量兒大小加減。乳食前。

人參白朮散 治胃氣不和吐逆。不思乳食。亦治霍亂吐逆。

厚朴去粗皮生薑製二兩人參去蘆白朮湯洗七次半

陳皮去白各一兩

右爲細末。每服一錢。水一小盞。生薑二片。煎至六分。去滓溫服。

人參藿香散 治脾胃不和吐逆不定。

人參去蘆一兩塗薑汁微炙藿香葉去土半兩白朮剉炒

丁香香良薑

甘草各一分炙

枇杷葉去毛薑汁炙令香熟

右爲細末。每服一錢。水一小盞。入木瓜一片。煎至五分。溫服無時。去滓通口服。

藿香散 治脾胃氣不和吐逆。心腹脹滿。

藿香葉去土半夏麴甘草炙各一兩陳皮去白

厚朴去粗皮生薑製各二兩人參去蘆白朮各半

右爲細末。每服半錢。或一錢。水一小盞。生薑三片。煎至六分。去滓溫服。無時。

萬安丹 治胃虛傷冷吐逆。

半 夏一分湯洗 白 朮一分

附 子一個炮製 硫 黃一分

硃 砂半兩

右三味。先爲末。入研藥拌勻。生薑汁和丸。黍米大。每服十粒。米飲下。乳食前。

聖石散 治如前經驗。

礞 石四兩炭火 不灰石二兩炭火 母丁香一兩

木 香一兩

人 參去蘆 白茯苓一兩

半 夏半兩湯洗 真陽起石半兩先同

阿 魏湯化去砂石以糊 巴 豆

杏 仁各十四個並

作炭略存性

右同勻細。湯泡蒸餅細丸。荔枝子大。每服一粒。水一大盞。入薑皁子大。擘破同

煎。至五分放溫。時時服之。煎藥須用銀石器。

厚朴散 治胃冷氣逆。吐不思食。

白茯苓一兩

肉豆蔻半兩煨

厚 朴去皮生薑 枇杷葉炙去毛

右爲細末。每服一錢。水一小盞。生薑二片。煎至六分。去滓空心溫服。無時。

人參膏 治脾胃虛冷。乳食不化。吐逆連併。不喜乳食。

人參去蘆 滑石 藿香葉去土

丁香一分

甘草二錢 硃砂一錢五分

右爲末。煉蜜和膏。每用阜子大。米飲化下。無時。

柑皮湯 治胃冷吐逆正氣。

右以柑木皮煎湯汁服之。

溫脾散 治寒溼吐逆。

厚朴去皮塗薑汁炙

丁香 白朮

乾薑各半 肉桂一分

右爲細末。每服一錢。煎人參湯調下。無時。

香參湯 治寒痰吐逆。

丁香 藿香葉去土 丁香皮 人參去蘆

白茯苓各一 青皮去穢 木香 甘草各半

右爲末。每服一錢。水一小盞。生薑二片。煎至五分。去滓溫服。無時。

三黃散 治傷熱吐逆。

五靈脂

大黃

雄

黃

各等分
水飛

右爲細末。每服一字。磨刀水調下。無時。治熱吐尤佳。

槐花散 治熱吐不止。

皁

角去皮燒

白

礬枯

槐

花炒

甘

草

各等分

右爲細末。每服一錢。白湯調服。無時。

丁香益胃湯 治胃虛挾熱吐逆不止。

丁香

人

參去蘆各一兩

桂去皮

大

黃

炮黑

訶黎勒皮 一分

右爲細末。每服一錢。水一小盞。生薑二片。煎至五分。去滓溫服。無時。

人參桂薑湯 治熱氣不調吐逆。腹滿脹痛。

人

參去蘆三分

桂去皮

良

薑

各一兩

甘

草

炙半兩

右爲細末。每服一錢。水一小盞。生薑三片。煎至六分。溫服。無時。

白朮湯 治吐逆熱煩而渴。津液燥少。

白朮

乾葛根

人

參去蘆各一兩

木香

藿香葉去土

白茯苓

甘

草炙各半兩

右爲細末。每服一錢。水一小盞。生薑三片。煎至六分。去滓溫服。或用生沸湯調下。無時。

香朴散 治冷熱吐逆。調順其氣。

厚

朴去皮薑製一兩

人

參去蘆一兩

丁

香半兩

麥門冬去心半兩

右爲細末。每服一錢。水一小盞。入生薑二片。棗一個。同煎至五分。去滓溫服。無時。

疳蓮丸 治一切冷熱。吐逆不止。

半

夏一兩湯浸洗七次搥碎

胡

椒一分二味同炒紫黑色

丁

香四十個

蓮子心一百個

右爲末。薑糊和丸。棗子大。每服三二十九。煎疳子石蓮湯送下。無時。

清膈飲子 治伏暑吐逆。

淡竹葉

一兩去枝梗只取葉焙乾

香 藿一兩

檀 香半兩

人參去蘆半兩

半夏半兩湯洗七次焙乾白茯苓半兩

甘草半兩

白粳米一合

右爲粗末。每服一錢。水一小盞。煎至六分。去滓溫服。時時如熟水服。

鎗蒼圓 治伏暑吐逆頭目痛。四支厥冷。煩躁不解。

半夏二兩薑製硫黃一兩白善土一兩

右爲末。滴水和丸。大豆大。每用一二丸。以針穿於燈上燎過。吐逆者鹽艾湯下。煩躁者生薑湯下。四支冷者熱酒下。頭痛者臘茶下。兒小者服一丸。

雙金圓 治霍亂吐逆不止。又治番胃及沉積赤白惡痢。

五靈脂去砂石二錢研丁香爲末一錢巴豆半兩去殼并心皮細研入上二味和勻

右以棗肉和丸。黃米大。每用大小虛實加減。二歲上五七丸。三歲上十九丸。煎丁香藿香湯放冷送下。服藥畢。須候兩時辰。不得與乳食。候大便過一兩次。服補藥四聖圓。如吐後躁熱。心間煩悶。服四順飲子。此三藥乃一宗也。兒本壯。食傷積滯者。宜服。虛者更宜斟酌。

四聖圓

白豆蔻

肉豆蔻麵裹煨
去油

草豆蔻去皮

乾薑炮

良薑

藿香葉去土

丁香香枝杖各等分

時。右爲末。醋糊和圓。萊豆大。每服三十圓。煎人參或白朮湯下。如止瀉米飲下。無

四順飲子

地骨皮去骨
盡

防風去蘆
叉枝

山梔仁

連翹去隔
等分

右爲末。每服二三錢。水一盞。生薑三片。煎至五分。去滓。臨臥溫服。如大便秘澀。煎燈心竹葉湯放冷服。亦治諸熱。心胸煩躁懊悶。乳吮散。治嬰兒吐乳不定。

枇杷葉炙一分
焦黃色
去毛母丁香一分

右爲末。每服少許。或半字一字。塗乳上。吮兒便止。

馬通汁。治嬰兒吐乳黃色。

右以新馬糞一塊。絞汁。量大小分減灌之。

葛根粉。治小兒吐逆壯熱。不下食。

右以葛根粉二大錢。水二合調勻。瀉入沙羅中。側轉令遍。如盪粉皮法。重湯內煮令熟。以糜飲相和食之。亦治痢。

白魚灰散 治百日內兒涎壅吐乳。

右以書中白魚七枚。燒灰研細。乳汁調服一字與服。或傅在乳上吮之。

丁香散 治胃虛氣逆。嘔吐不定。霍亂不安。精神困弱。

丁香 香一分 人參 半兩 藿香葉 去土一分

右爲末。每服一錢。水半盞。煎三五沸。入乳汁三五滴。更煎一兩沸。帶熱服。無時。頻頻服效。

聖白圓 治小兒吐逆。

半 夏 半兩 湯洗十次 竹刀切作片子 焙令乾

丁香 香 半兩

右於木臼中同杵爲末。生薑自然汁和丸。麻子大。每服十丸。十五圓。溫湯送下。無時。

白朮散 治小兒吐逆。或加喘促。

白朮 二兩

乾山藥

白茯苓 各一兩

人參 去蘆

木香

白扁豆炮

藿香去土各半兩

甘草一分

右爲末。每服一錢。紫蘇湯下。喘者陳皮湯下。無時。

附子散 治小兒虛風呵欠吐逆涎盛。

白附子炮

南星炮兩各半

黑附子炮去皮一分

右爲末。每服一錢。水一小盞。生薑二片。同煎。仍不住手攪。煎至半小盞。分三服。

量大小與甚效。

滑石散 治胃熱吐瀉食。

白滑石

白善土好者等分

右爲末研勻。每服半錢。葱白煎米飲調下。

坯蓮散 治一切吐逆及煩渴。

枇杷葉大者五片洗刷去毛盡塗蜜炙焦黃色

麥門冬去心一分

紫蘇葉四十葉

丁香香粒一百

石蓮心個一百

藿香葉去土半兩

甘草一分

右爲末。每服半錢。煎坯子胭脂石蓮湯調下。無時。

白茅散 治吐逆不定。

丁香

花桑葉

人參去蘆

藿香葉去土

白茅根剉各一分

右爲散。每服一錢。水一小盞。煎至五分。去滓。量大小分服。無時。

白附散 治小兒吐逆不定。虛風喘急。

白附子 藿香葉去土等分

右爲細末。每服半錢。或一錢。米飲調下。無時。

油滴散 治小兒胃氣虛冷。痰盛吐逆。

半夏四枚生胡椒四十枚

右爲粗末。每服半錢。水一小盞。入生油七滴。煎至五分。去滓。服無時。

二白劉散 治小兒膈上痰壅。吐逆不食。漸生驚候。胸中滿塞。咽嗑不利。

大天南星一個炮裂出火毒

大半夏四個湯洗七次去滑

右並劉作塊子。以水一大盞半。入生薑七片。慢火煎至一呷。服之。入冬瓜子同

煎更妙。

五香半夏圓 治小兒膈滿。氣不升降。吐逆痰壅。或作欬嗽。

沉香

麝香

丁香

木香各一分

藿香葉去土半兩

半夏湯洗七次黃三兩

肉豆蔻去淨油

人參去蘆

陳皮去白各一分

右爲細末。薑汁糊丸。黃米大。每服三十丸。生薑湯下。乳後。

定吐香銀圓。治小兒脾胃氣弱。挾於風寒。嘔哕。亦治便青泄利。

丁香

乾葛各一兩

半夏湯洗七次切焙

水銀後入各半兩

右上三味先爲末。入水銀研勻。生薑汁和圓。麻子大。每服三五圓至十數圓。量

兒大小與服。藿香湯下。無時。

龍虎救生丹。治一切吐逆。不下食。

水銀半兩

硫黃一兩二味同研至無星爲度

丁香香半兩

半夏麴一兩

人參去蘆一分

天南星炮半兩

白附子炮一分

右爲末。生薑汁煮糊和丸。蘿蔔子大。每服一二十丸。煎藿香湯下。伏熱吐者。煎

蓮子心湯下。量大小服。又治姙婦阻病立效。

枇杷葉湯。治一切吐逆煩渴。

枇杷葉一兩拭去毛
盡炙微黃

丁香香半兩

人參去蘆
半兩

甘草炙 白茯苓各半

右爲細末。每服半錢。煎紫蘇湯調下。無時。

定命丹 治一切吐逆不止。

巴豆十箇
去油 丁香香一兩
炒

右爲細末。以煮酒蠟就劑。旋圓如菉豆大。每服三五丸。米飲湯下。腹脹。皁兒湯下。夜啼。硃砂湯下。兒本壯實者。有積食宜服。

五倍子散 治吐逆不定。

右以五倍子二箇。一生一熟。甘草一寸。用溼紙裹煨。同爲細末。每服半錢。米泔調下立差。

壁錢湯 治如前。

右以壁錢窠煎湯飲之。一方用二七箇。其蟲似蜘蛛。作白幕如錢於壁上。土人呼爲壁蠶。

麻仁子 治如前。此李諫議方
嘗用極妙

右以麻子仁二兩杵爛。熬以水。研取汁。入鹽少許。服之立效。

丁香散 治如前。

丁香

藿香去土

代赭石火煨醋碎不計遍數以易碎爲度

甘草炙各一分

右爲末。每服半錢。煎薄荷湯下。如吐瀉更與木香白朮散同服。方具於治瀉門中。

生薑湯 治吐逆。百藥不差。

右以生薑一兩。細剉米豆大。將七合於銀器煎取四合。空腹旋呷。大者和滓服。羊糞酒 治無故吐逆酸水不止。或三五口。食後如此。

右以羊糞十顆。好酒二合。煎取一合頓服。未愈再服。更量大小加減。

附碗覘

羊乳 治碗覘。乾嘔煩熱。

右以羊乳一升。煎至減半。分五服。無羊乳只牛乳亦得。小者減之。一方與生薑汁合煎牛乳二合。薑汁一合。銀器中慢火煎五七沸。一歲兒服半合。

鹿角粉 治如前。

右以鹿角粉、大豆末等分相和。乳汁塗上。令兒吮服之。

枇杷葉汁 治如前。

右以枇杷葉拭去毛淨。煮汁飲之。亦治欬嗽。

玉真散

白

朮 半兩

半

夏 七個湯洗七次
爲末生薑汁製

胡

椒 半錢

右爲末。每用半字。以水一呷調下。大者一字。

消乳丸 治飲乳過多。嘔吐壅滯不消。好令常服。

丁香

木香

青

皮 去穢
炒黃

肉豆蔻

煨
裹

牽牛子

炒黃各
半兩

右爲末。滴水丸。針頭大。每服三五丸。乳上沾吮服。

蟾蜍糞 治嘔乳不止。

右取田中曲蟾蜍糞一兩研末。空心米飲調下半錢匕。一二服立效。兒小減服。

蘆蟲湯 治飲乳嘔吐不入腹。

右取蘆中蟲二枚。煮汁飲之。須破蘆取。蟲似小蠶。

治瀉方

粟煎湯 治腸胃受風寒。下瀉不止。身體壯熱。

白朮

當歸

去蘆
燒焙

川芎

人參

去蘆

肉桂

去粗
皮

芍藥

各一
兩

右爲末。每服一錢。水一盞。入薑三片。粟米半匙。煎至米熟。去滓溫服。

惺惺散 治傷風挾驚。下瀉日久。脾困不食。及恐作脾風發癇。

天麻

半錢

全蠍

半錢
炒

糯米

一錢
微炒

甘草

一錢
炙

木香

一錢
炮

白扁豆

一錢
炮

山藥

一錢
焙

茯苓

一錢
微炒

人參

一錢
微炒

右爲末。嬰孩一字。二三歲上兒半錢。水半銀盞以下。棗半個。煎三五沸溫服。

白附子圓。羌活膏。皆治傷風或驚。泄瀉不止。方已具於吐門之下。

人參生犀散 治風寒驚悸痰嗽。服尋常藥卽瀉。

前胡

去蘆
錢

桔梗

半兩
去蘆

人參

三兩
去蘆

甘草

二錢
炙黃

杏仁去皮尖
五錢末

右。上。四。味。爲。末。後。入。杏。仁。拌。勻。細。羅。羅。過。每。服。二。大。錢。水。一。盞。同。煎。至。八。分。去。渣。溫。服。無。時。

訶子湯 治傷冷瀉不止。

訶黎勒皮

人參去蘆

木香

白茯苓各一兩

甘草炙

陳皮湯浸去白
各半兩

右爲末。每服一錢。水一小盞。入生薑二片。煎至五分。溫服無時。

訶黎豆蔻丹 治如前。

訶黎勒皮

草豆蔻各一兩

白朮

乾薑炮

川黃連去鬚

當歸去蘆洗焙
各半兩

右爲細末。粟米飯和丸。黍米大。每服十粒。飲湯下。無時。

肉豆蔻散 治胃寒下瀉。

肉豆蔻麝香裹

白枯礬各一兩

右爲末。溫米飲調下一錢。或半錢。空心服。

益脾散 治脾胃傷冷。泄瀉腹痛。全不入食。

陳皮去白一兩 青皮去穰半兩 訶子肉半兩

甘草半兩炒

丁香香二錢 乾山藥二兩

右爲細末。每服一大錢。水一小盞。生薑三片。棗一個。煎至六分。去滓溫服。與益

兒圓間服甚妙。

川椒圓 治夏月傷溼冷。泄瀉不止。

川椒一兩去目并閉口者不用 肉豆蔻半兩 煨

右爲細末。粳米飯和丸。黍米大。每服十粒。米飲下。無時。

柏葉 治瀉泄洞下。

右以柏葉煮汁服之。或焙乾作末煎服。

烏薑丸 治脾虛泄瀉。不入食。

生薑二兩切 黃連去鬚二兩剉豆大

肉豆蔻個入丁香二

個共五十個在內訖別用生薑煨取汁和麵裏煨熟和麵研之

右同爲細末。滴水和丸。芥子大。每二三十九。棗湯下。乳食前。

龍香散 治腸胃虛弱。滑泄無度。腹痛腸鳴。或疳瀉不止。

當歸去蘆洗淨

龍骨煨

赤石脂

烏魚骨

白朮

香白芷

人參

去蘆各等分

右爲細末。每服半錢至一錢。溫米飲調下。乳食前。

如聖散 治傷熱生風。聚瀉不定。或時驚悸。睡臥不寧。

板藍根肥者二兩。熬炒令黃色

丁香香半兩

甘草炮一兩

乳石兩半

井泉石半一兩

右爲細末。每服半錢。米飲調下。併服三服立效。如驚風。薄荷湯調下。

治小兒水穀不調。

右以枳實麵炒黃枿末。米飲服半錢匕。二歲下兒一錢匕。量大小加減服。

溫脾散 治瀉泄食不化。

蒼朮半兩。米泔浸一宿。去黑皮炒

甘草炙

厚朴去粗皮。生薑製

訶子炮

木香

乾薑炮

茯苓

人參去蘆

桔梗去蘆各一錢

右爲末。每服一字或半錢。米飲調下。食不化者紫蘇鹽湯調。瀉不止者木瓜湯調下。乳食前。

二和圓 治瀉不止。

黃連

連去鬚一兩

南木香

半一兩二物各半生半炒

右爲末。醋糊和圓。萊豆大。每服三四十丸。米飲下。乳食前。

還肌散 治洞瀉、聚瀉、疳瀉等。肌膚瘦弱。乳食不進。

肉豆蔻一個

訶子去核三個

沒石子一個三味各用大麥麵裹慢火煨黃熟勿令烟出

右爲細末。每服半錢。米飲調下。如人行五里久。再一服。須用陳米飲下神效。

和中散 治痰逆胃虛泄瀉。

白朮

陳皮去白

厚朴

去粗皮生薑製

甘草

炙各等分

右爲細末。每服一錢。水一小盞。生薑三片。棗一個。同煎至六分溫服。一方更有

藿香葉減半。

附子散 治胃寒泄瀉不止。

右以半兩附子一枚。炮裂去皮臍。爲細末。每服一錢。水一盞。鹽半錢。煎至五分

溫服。亦治洞泄。乳食前服。

赤石脂丸 治泄瀉虛滑無度。

赤石脂 乾薑炮等分

右爲末。糊丸麻子大。每服一二十丸。米飲下。空心服。

豆蔻丸 治泄瀉米穀不化。

肉荳蔻麵裹煨一兩 木香 青皮去穢炒黃半兩 黑牽牛微炒一分

右爲細末。滴水。和丸。黍米大。每服十丸。生薑米飲下。乳食前。

建胃散 治泄瀉身熱煩渴。

厚朴去粗皮生薑製一兩 川黃連去鬚一兩 白朮 肉豆蔻麵裹煨一兩

縮砂仁半兩 乾薑炮半兩 木香半兩

右爲細末。每服一錢。水一小盞。入生薑粟米各少許。煎至五分。去滓溫服。無時。

順胃丹 治泄瀉蟲煩腹痛。

白朮 良薑 乾漆妙烟 肉桂各一兩

肉豆蔻麵裹煨半兩

右爲細末。麵糊和丸。黍米大。每服十粒。米飲下。乳食前。

建中丹 治泄瀉腹痛多啼。

胡椒

蓬莖朮煨

全

蠟各一

肉豆蔻

麵裹兩

右爲細末。麵糊和丸。黍米大。每服十粒。米飲下。乳食前。

茱萸散 治脾胃弱。食不消。泄瀉無度。

吳茱萸

揀淨半兩。用鹽二錢水一盞。煮之。如此換水煮。十四次。各至水盡。遍數足。曬乾。炒令紫黑色。

甘

草半兩

陳

皮

去白二兩。炒令香熟。

右爲細末。每服一錢或半錢。沸湯點服。無時。

乳香豆蔻丸 治泄瀉不已。腸中有惡氣。故爾。

右用肉豆蔻一枚。研分兩半。中間剜開。安乳香一皂子大。在內相合。以線紮定。

和白麵裹如胡桃大。煨熟爲末。陳米飯和丸。茱萸大。每服二十九。陳米飲下。空

心食前。

香鑿丹 治泄瀉浸久不差。

白

鑿枯一兩。慢火燒。研成粉。

木香一兩

訶黎勒皮

半兩。微炒。

酸石榴皮半兩炒黑

右爲細末。煉蜜和丸。黍米大。每服十粒。粥飲下。乳食前。

二白丸 治泄瀉滑數不止。

白石脂

白龍骨煨等分

右爲末。滴水。和丸。黍米大。每服三五丸。紫蘇木瓜湯下。無時。

溫白丸 治久患泄瀉。脾虛不進飲食。或食訖仍前瀉下。米穀不化。

白朮一分米泔浸一時切焙乾

半夏錢半湯洗七次丁香半錢炒

右爲細末。生薑自然汁糊丸。黍米大。每半歲兒三丸。三五歲兒五七丸。淡生薑湯下。早晚各一。

沒石子丸 治泄瀉白濁。及滑腸腹痛。亦治疳利。

木香

黃連去鬚各一分

沒石子 一個

肉豆蔻二個麵裹煨

訶子肉 三個

右爲細末。飯和丸。麻子大。米飲下。量大小加減與之。無時。

銀白散 治脾胃不和。泄瀉不止。不思飲食。身體煩熱。

人參去蘆

白茯苓

白扁豆炒熟

甘草炙

白朮妙各一分

罌粟米微炒二分錢別研

右爲末同勻。每服半錢或一錢。紫蘇湯調下。無時。

乾薑散 治水瀉無度。

右以乾薑末。粥飲調下半錢或一字。量大小與。

椒紅丸 治如前。

右以椒二兩。去目用醋二升。煮至醋盡。焙乾爲末。糊圓菉豆大。瓷盒收之。每服十丸十五丸。米飲下。一方治嬰小水瀉爛疳。以椒一分。去目爲末。酥調少少傳

腦上。日三。

烏藥散 治乳母冷熱不調。變壞乳汁不好。兒因飲之。心腹時痛。下瀉如水。

香附子研揀白者

良薑

赤芍藥

天台烏藥各等分

右爲細末。每服一錢。水一盞。煎至六分溫服。心腹痛者。入酒少許同煎。只水瀉者。米飲調下。量大小與服。

白石脂散 治水瀉形羸。不勝大湯藥。

右以白石脂半兩。研如粉。和白粥空心與服。

檠皮丸 治熱瀉。

右以黃檠削去粗皮。焙杵爲末。用薄米飲和丸。粟米大。每服十丸。米飲下。食前。

清胃散 治挾熱下瀉頻數。

川楝子 去核

黃 檠炙

地 榆炙

當

歸洗焙

黃 連去鬚炒

右各半兩爲細末。每服一錢。水一小盞。煎至六分。溫服無時。

香石散 治伏熱中暑。煩躁發渴。泄瀉小便不利。

丁 香

滑 石

舶上硫黃

白芍藥

甘 草各等分

右爲末。每服一錢。米飲調下。亦治吐瀉無時。

分水車前散 治暑月傷熱暴瀉。小水不分。

右以車前子爲末。米飲調下半錢。或一錢。量大小加減。

白朮膏 治暑月中熱瀉泄。小便不利。腹滿氣痞。

白朮半兩

白茯苓

人參去蘆

滑石各一

澤瀉半兩

右爲末。煉蜜和膏。每用一卓子大。米飲化下。無時。

香連散 治伏暑泄瀉。清濁不分。

木香

川黃連

去蘆各一兩

人參去蘆

厚

朴去粗皮生薑製各半兩

右爲細末。每服半錢或一錢。米飲調下。乳食前。

草節湯 治冷熱不調下瀉。

胡黃連半兩

綿

薑炮熟一兩

右爲細末。每服半錢。草節湯調下。食前。

樗根散 治水瀉裏急後重頻數。

樗根皮一兩

枳

殼炒半兩

甘草一分

右爲末。每服半錢或一錢。粥飲調下。立止無時。

厚朴散 治洞瀉注下。

訶黎勒皮炒一兩

厚

朴去粗皮生薑製一兩肉豆蔻麵裹煨

白

朮半兩

乾薑半兩

右爲細末。每服一錢。水一小盞。入生薑、粟米各少許。同煎至五分。去滓溫服。食前。

香蟾散 治如前。

右於五月五日取蟾一隻。燒末。飲調一錢服之。兒小量減。食前。

阿膠丹 治洞瀉暴注。

真阿膠粉炒一兩

乾薑炮一兩

芍藥半兩

當歸去蘆半兩

川黃連去鬚半兩

肉豆蔻麵裹煨半兩

右爲細末。煉蜜和丸。黍米大。每服十粒。粟米飲下。食前。

助胃丹 治洞注不止。手足冷。

附子炮一枚重半兩
肉豆蔻麵裹煨半兩

硫黃半兩

乾薑半兩

肉桂半兩

白朮半兩

右爲細末。麵糊爲丸。黍米大。每服十粒。米飲下。食前。亦治瀉脫危困。

火輪散 治虛滑洞瀉注下。日夜無度。

附子一枚半兩者炮裂去皮臍

肉豆蔻半兩麵裹煨

良薑一錢半

右爲末。每服一字或半錢。陳米飲調下。乳食前。

木香散 亦治冷熱不調下瀉。

木香

黃檗蜜炙各一兩

人參去蘆

縮砂仁各一兩

右爲細末。每服半錢。米飲調下。亦治痢。

豆蔻香連丸 治寒熱失宜。陰陽不調。泄瀉無度。腹痛腸鳴。

黃連

去鬚三分炒

肉豆蔻麵裹煨

南木香各一分

右爲細末。粟米飯和丸。粟米大。每服二三十丸。米飲下。日夜四五服。量大小與之如聖。

小香連丸 治冷熱不調。水穀滑腸。泄瀉腹痛。脾胃不和。乳食不化。皆治之。

木香

訶子肉各一分

黃連去鬚半兩炒

右爲細末。飯和丸。菉豆大。每服一二十丸。米飲下。乳食前。一方加肉豆蔻三箇。甘草一分。同爲末。每服半錢。飲調下。名香連散。

石榴汁 治下瀉五色。

右以酸石榴五箇。同穰殼搗爛。絞取汁。每服半合。量大小與之。

四色圓 治瀉青色。

硫黃

厚

朴

去粗皮
生薑製

右各等分爲細末。糊丸黍米大。每服十五丸。米飲下。無時。

木香白朮散 治下瀉色青如涎。或如白沫。

木香

白朮

陳皮去白

丁香

各一分

麥

炒黃
半兩

右爲末。每服半錢或一錢。水半盞。煎至三分溫服。如吐瀉。與前丁香散兼服。在吐門下。

六神散 治瀉多日。糞色與脣口皆白。因成虛困。亦治洞瀉吐利泄瀉。

人參去蘆

白茯苓

乾山藥

白朮

白扁豆

甘

草炙

右各等分爲細末。每服一錢。水一小盞。生薑二片。棗一箇。煎至六分。通口服。此藥用處甚多。調氣和脾胃大良。如治冷瀉。用末二錢匕。附子末一錢匕。煎之。

分三四服。量大小與之。

又治風證。加天麻。治利。加罌粟殼。吐瀉者服之。以助胃氣。防變痢病。

豆蔻丸 治傷乳食。脾胃不和。泄瀉無度。

木香 一分

肉豆蔻 麵裹煨

草豆蔻

檳榔

青皮 去穰

陳皮 去白各一分

京三稜 炮剉兩

右爲細末。麵糊和丸。菉豆大。每服五七丸。薑湯下。無時。

黃連茱萸散 治傷乳食下瀉。

黃連 去鬚一兩

吳茱萸 揀去枝梗半兩

乾薑 二錢

巴豆 肥大者一箇去皮

右剉細。同炒至焦黃。去巴豆不用。外爲細末。每服一錢。煎陳米飲調下。日三乳

食前。

緩中丸 治有傷泄瀉。

神麴 炒黃

訶子皮 炮各半兩

吳茱萸 揀淨炒黑

右爲末。煉蜜和丸。麻子大。每服三二十丸。棗湯下。無時。

迴陽散 治下瀉虛極。或因服轉藥瀉脫。四支逆冷。目瞪項強。大便不禁。心胸煩

悶。不能乳食。

附子大者一箇炮去皮臍天南星大者一箇炮過爲末薑汁和作餅焙乾

木香 一分

人參去蘆一分硫黃 一分 硃砂 一錢

麝香 少許

右爲細末。艾湯調半錢。乳食前服。

艾黃熨法 治瀉脫困乏危篤。

蓖麻七箇去殼研如泥熟艾 半兩 硫黃 研末

右拌勻。於臍上先鋪紙。傅藥在上。又用紙鋪襯稍厚。用熨斗適溫涼熨之。不可令熨斗大熱。以臍內響爲度。

吐瀉方 閻孝忠曰。凡小兒吐瀉。多因寒冷。當溫補之。余每用理中丸。以溫其中。

五苓散以導逆。五苓治小兒尤妙逆者吐也連與數服。兼與異功散正氣。溫藥調理之。往往

便愈。若已虛損。當速生其胃氣。與理中丸并研金液丹末。煎生薑米飲調灌之。

惟多服乃效。服至二三兩無害。得胃氣生。手足漸暖。仍頻與粥。雖至危者。往往

死中得生。十有八九。金液丹治小兒吐瀉虛極最妙。沈存中論金液丹。親見小

兒吐利劇氣已絕。服之得活者數人。真不妄也。須多服方驗。若因吐瀉生風。身

冷瘧癰。變慢驚者。論在於驚門具之。其理中丸。五苓散。金液丹方。並在和劑集載之。

異功散 治吐瀉虛冷病。先與數服正氣。能溫中和氣進食。

人參去蘆 茯苓去皮 白朮 甘草炙

陳皮各等分

右爲細末。每服二錢。水一盞。生薑五片。棗二枚。同煎至七分。通口服。無時。

參苓散 治傷風冷。脾胃不調。一切吐瀉。

人參去蘆 茯苓 白附子 羌活去蘆

白朮各一分 肉桂 犀角鎔屑 藿香去土

川芎 芍藥 甘草各一錢

右爲細末。每用半錢。金銀薄荷湯調下。無時。

圃參散 治脾胃虛弱。氣不調順。傷於風冷。一切吐瀉。手足厥冷。

人參去蘆 白朮一兩 白扁豆炒一兩 罌粟米四兩別研

山藥三兩 陳粟米三兩用生薑自然汁浸三宿取出曝乾 白茯苓去皮

木

香三分

川芎半兩

烏藥一兩半

甘草三兩

厚

朴去粗皮生薑製二兩白芷一兩

右爲細末。每服一錢。水一小盞。生薑三片。棗一枚。去核同煎。至半盞溫服。空心食前。

和中散 治三焦不調。停寒膈上。吐瀉不定。

藿

香去土

白豆蔻

人參去蘆各一兩

木香

丁香

香 乾薑炮

厚朴去皮生薑製各半兩甘草一分

右爲細末。每服一錢。水一小盞。入生薑三片。煎至六分。溫服。無時。

益中湯

治脾胃不和。傷冷吐瀉。

丁香

香半兩

草豆蔻去皮三個炒

人參去蘆半兩

青皮去穢半兩

桂

心一分

訶梨勒去核一分

右爲細末。嬰孩一字。二三歲半錢。五六歲一錢。煎木瓜紫蘇湯調下。日夜溫服。無時。

沉香散

治脾胃不和。吐瀉不進乳食。

沉香一分

丁香香炒一錢

木香炮五分

桂心見火不

甘草炙一錢

茯苓一分

藿香去土一錢

法如前方用。

觀音散 治如前。

人參 去蘆

甘草炙

白扁豆炒

石蓮肉 去心各

茯苓半錢

白芷

黃耆 蜜炒碎塗

木香 炮一錢

神麴二錢

右為細末。每服一錢。水半盞。棗半箇。煎三兩沸溫服。無時。

人參散 治如前。

人參

茯苓

石蓮肉 去心各

甘草 炙二錢

黃耆 蜜炙

右為細末。每服一錢。水半盞。棗半箇。煎三兩沸溫服。無時。

白朮散 治胃氣虛弱。吐瀉發渴。

白朮

人參 去蘆

木香

白茯苓

藿香葉去土

甘草炙各一錢

乾葛二分

右爲末。每服一錢。水一小盞。煎至六分。溫服無時。

半夏湯 治脾胃虛寒吐瀉。及有冷痰等疾。

半夏 好者一兩湯浸洗七次切焙乾

陳粟米三分無卽用陳粳米亦得

右咬咀。每服三錢。水一大盞。入生薑七片。煎至四分。溫服無時。

張渙七香丸 治吐瀉不進乳。心腹脹滿。小便不利。

青皮浸去穢屑一兩生

肉豆蔻半兩兩麵裏煨令香熟牽 牛一兩炒

右爲末。糊丸麻子大。每服二三十丸。生薑米飲下。無時。

治嬰小吐瀉。

亂髮半兩燒 鹿角末一分

右同研細。米飲服一錢。日三。

治嬰小吐瀉。

右以特豬屎燒爲末。水調汁。少與服。

丁香安胃丸 治小兒胃虛。氣逆嘔吐。泄瀉煩渴欲飲。精神昏困。

肉桂半兩

丁皮

藿香去土

滑石

茯苓各一

右爲細末。煉蜜和丸。雞頭大。每服一九。溫湯化下。無時。

溫中丸 治胃寒瀉白。腹痛腸鳴。吐酸綠水。不思乳食。

人參去蘆

甘草炙

白朮各一

右爲末。薑汁糊丸。菉豆大。米飲下。一二十丸。無時。

糯米湯 治吐瀉不止。

糯米一百粒

木香

黃連去鬚三味

右同炒至米焦黃。去木香。黃連不用。只以米爲末。後用批杷葉去毛淨。焙乾等

分爲末和勻。白湯調半錢。無時。

進食丸 治傷飽乳食不消。壯熱腹痛脹滿。吐哕無度。

木香

枳殼去穰

當歸去鬚

代赭石火煨醋淬不

碎爲度

砂研飛各

巴豆霜一分

右爲末。糊丸黍米大。一歲兒一九。溫水下。無時。

不二九 治傷食吐瀉不止。

巴豆三十粒去皮心膜研別用好黃連半兩水浸濃汁染紙二張裹巴豆壓去油

硃砂研末一錢水飛

寒食餅炒一錢

右同研細滴水和丸。萊豆大。新水磨化一丸。服無時。

感應丸 治脾胃虛怯。乳食過度。吐瀉身熱腹滿。

肉豆蔻仁四箇麵裹煨 丁香末 三錢 川薑末 二錢

木香 三錢

百草霜 四分 杏仁二十八箇去皮尖別研取霜

巴豆十四箇去皮膜出油盡取

霜 黃蠟二兩鎔濾滓卻入好酒同煮半時放冷凝

右同爲細末研勻。先鎔煉蠟和藥成膏。恐硬時更入油少許。每用旋丸如黍米

大三四粒。溫水下。乳食前。

豆蔻散 治伏暑傷熱。吐瀉煩渴。腹脹小便少。

硫黃 一分 白滑石 三分 丁香

白豆蔻麵裹煨各半分

右爲細末。每服一字或半錢。米飲調下。無時。

藿香散 治伏暑冷熱不調。吐瀉不止。

藿香去土

白芷

丁香

縮砂仁各等分

右爲末。每服半錢。沸湯點服。無時。

香石散 治伏暑煩躁吐瀉發渴。

丁香

滑石

硫黃

白芍藥

甘草各等分

右爲細末。每服半錢。米飲調下。無時。

三和散 治伏暑吐瀉津液燥少。

白茯苓一兩

烏梅肉半兩

乾木瓜半兩

右爲細末。每服一錢。水一盞。煎至五分。去滓溫服。無時。

烏燼散 治中暑發渴煩躁悶亂吐瀉。

右以穀精草不限多少。燒存性。用器覆之。放冷研爲細末。每服半錢或一錢。冷

米飲下。無時。

大七寶散 治霍亂吐瀉。

木香炮

丁香香炒

桂去粗皮不見火

茯苓

人參

訶子去核

麻黃去根

當歸去土

甘草炙

大腹皮

川楝子去核

秦艽去蘆炒以

地榆二錢

藿香去土炒

肉豆蔻裹煨

右爲末。每嬰孩一字。二三歲半錢。四五歲一錢。水半盞。入棗半箇。煎數沸溫服。

無時。

建脾膏 治霍亂吐瀉。

丁香

藿香去土

人參去蘆各

沉香

木香各半

右爲細末。煉蜜和膏。每用雞頭子大。粟米飲化服。無時。

人參湯 治如前。

人參去蘆

厚朴去粗皮生

白朮

生薑三分

右咬咀。以水一升二合。煮取半升。六十日兒服一小合。百日兒分四服。周晬兒

分二服。乳空服之。乳母忌生冷油膩。

蒼朮湯 治小兒霍亂吐瀉。

人參去蘆 蘆各半 扁豆藤二兩 蒼朮一握

右爲細末。每服二錢。水七分。煎至五分。去滓溫服。立驗無時。

又方 名同治同。

人參一兩 木瓜一箇 蒼朮一握

右咬咀。量兒大小。用煎如前服立效。

治小兒霍亂吐瀉。

右以牛涎一合。灌兒口中。量大小加減。

人參調胃膏 治霍亂吐逆。服藥不下。煩渴者宜先服此藥。

人參去蘆 白朮 丁香各一 乾薑炮

甘草 赤茯苓各半

右爲細末。煉蜜和丸。阜子大。每服一丸。熱湯化破。以新水沉極冷卽服。無時。

快膈散 治霍亂吐逆。服藥多卽吐。先服此藥。

甘草半兩 夏薑微炮 肉豆蔻麝香 丁香各一

右爲細末。每服半錢。新汲冷水調下。

白朮膏 治傷暑伏熱。頭目昏痛。霍亂吐瀉。煩躁作渴。小便不利。心胸滿悶。

白朮

澤瀉各半兩

茯苓

人參去蘆

滑石各一分

右爲細末。煉蜜和膏。每用一皂子大。煎麥門冬湯。放溫化下。無時。

治霍亂不止。

右以訶梨勒一枚。去核爲末。沸湯研頓服。如未差再作。

丁香丸 治霍亂吐瀉。面青。四支冷。虛汗出。

丁香

藿香去土各一分

人參去蘆

右爲末。煉蜜和丸。麻子大。每服五丸。粥飲下。無時。

丁香散 治霍亂不食。

丁香

香一分 人參半兩

右爲細末。每服一錢。水一小盞。煎至五分。去滓服。

斗門散 治霍亂吐瀉轉筋。

附子生一枚

胡椒粒一百

右爲末。每服半錢。漿水一小盞煎至四分溫服。

七寶散 治霍亂吐瀉。腹內撮痛。

白朮四兩

人參去蘆

白茯苓各一兩

甘草一兩

草果子

大者二箇 炮過用

訶子四箇 炮去核

乾薑一錢 炮

右爲細末。每服一錢。水半盞。入棗一枚。薑三片。同煎至七分。帶熱服。三歲下者

藥半錢。水半合煎之。瀉不止。與香連丸間服。

香連丸 治冷熱不調。霍亂吐瀉。腹內疴痛。

黃連

去鬚 淨一兩 碎微炒

木香一分

訶子七箇 炮去核

肉豆蔻

二箇 麵裹煨

右爲細末。薑汁糊和丸。菴豆大。每服十九十五丸。米飲下。無時。日四五服。

治霍亂不止。

寡婦薦草。治如前。

小兒霍亂吐瀉。右取寡婦薦草二七莖。煮飲之。

又方

右取蠟音雍螭音雍窠微炙爲末。乳汁調下一字。乃蝶

又方

右取芹葉細切。煮熟汁飲之。任意多少。得止爲度。

香豆散

治霍亂煩渴吐瀉。

藿

香去土

甘草一分

肉豆蔻麵裹煨各一兩

白扁豆

人

參去蘆各半兩

右爲末。每服一錢。水八分盞。入生薑二片。煎至五分。去滓溫服。

附吐瀉後證

醒脾散

治吐瀉初定。脾胃虛弱。恐生風者。便當與服。

右以天南星沸湯浸洗七次。爲細末。一歲兒半錢匕。用河水七分盞。入冬瓜子

七粒。同煎至半。放溫旋旋與之。

碧香丹 治吐瀉後。大渴不止。不得眠睡。甚則變疳。

天竺黃

不灰木燒赤放冷

赤石脂

龍

骨煨各一兩先爲細末

膩粉

定粉

鉛白霜

蛤

粉各一兩別研

右拌勻。入麝香半兩。再研滴水。和丸雞頭子大。每用一粒或半粒。同蛭螺兒二

箇細研。沸湯浸化。卻用冷水沉極冷服。大渴即與。神驗。
丁香黃耆散 治吐瀉後。脾胃虛弱。不能飲食。漸成羸瘦。面色青白。或作利。時下
時止。

丁香

綿黃耆

人參去蘆

白朮

當歸

歸洗焙

鼈甲

醋炙黃耆去裙
各一兩

胡黃連

甘草

炙各
半兩

右爲細末。每服一錢。水一小盞。入生薑二片。棗一箇。同煎至五分。去滓溫服。食
前。

香薷散

治瀉後。但胸中不快。

藿香

香去土

蓬朮

炮剉

茯苓

焙各
等分

右爲細末。每服半錢或一錢。白湯點服。無時。

中和散

治吐瀉定後煩渴。

人參

去蘆

白茯苓

白朮

甘草

剉炒

乾葛

剉

白扁豆

炒

黃耆

切焙

藿香

去土各
等分

右爲細末。每服二錢。水一小盞。棗一箇。去核。生薑三片。煎至七分。放溫服。無時。

小兒衛生總微論方

卷十一

八利論

小兒氣血怯嫩。藏府軟弱。因觸冒風寒。飲食冷熱。以邪干正。致脾胃不和。凝滯停積。蘊毒結作。或水穀不聚。或膿血純雜。變而爲利。其候有八。一曰水穀利。謂便下糞稀薄而不聚。駛利出易。水穀不化也。然雖是瀉便時。亦覺裏急後重。故爲利也。二曰冷利。謂便下純白膿也。三曰熱利。謂便下純赤血也。四曰滯利。謂便下膿血相雜也。五曰積利。謂有積傷爲利。浸久或差而復發也。六曰疳利。謂患疳瘕而下利也。七曰蟲利。謂如蟲毒下紫黑血。或如赤豆汁。或如雞鴨肝片也。八曰休惜利。謂下血黑黯中有白物。如腸中之脂。或如爛魚腸之狀。此腸胃潰傷。患者更休愛惜。故以名之。亦名休息者。謂患卽無休息而至死也。凡利若粥藥不能進者。此便爲死候也。治水穀利方。已具前瀉項之下。

治冷利方

玉腸散 治冷利。初卽大便秘。後乃作膿。

白石脂

當歸 洗焙

丁香

白朮 各一兩

草豆蔻 去皮

厚朴 薑製各半兩

右細末。每服半錢。粥飲調下。無時。

厚朴圓 治藏寒泄瀉。下利純白。腹中絞痛。虛氣脹滿。手足逆冷。

厚朴

薑製各半兩

訶子 半兩 炮

白龍骨 半兩

白礬 半兩

右用一器盛之。鹽泥固濟。留一竅子。木炭火煨。煙息爲度。取出爲末。麵糊和圓。黍米大。每服十圓。米飲下。食前。

烏骨散 主治如前。

右烏魚骨去皮研細末。每服半錢。米飲調服。或炙黃用之。亦治婦人漏血。

藍汁 主治如前。

右以藍青取葉。搗令極爛。絞取汁。略溫。每服半合。或一合。無時。

馬齒汁 主治如前。

右杵生馬齒菜絞汁略溫。每服一合。入蜜一匙頭許調勻。空心服。

石蓮散 主治如前。

右以石蓮不拘多少。去皮用沙糖炒過爲細末。每服一錢。米飲調下。乳食前。屢驗。

胡黃連圓 治血利下多。久而不差。或作藏毒下血。帶青黃色。

胡黃連 炒

蕪 荑 炒 煉淨

夜明沙 各一分

右末。猪膽汁和圓。黍米大。每服十圓。陳米飲下。無時。

治赤白滯利方

罌粟飲子 治赤白滯利。

罌粟殼 蜜炙 半兩

人 參 去蘆 一分

厚 朴 去粗皮生 薑製 一兩

白茯苓 半兩

乾 薑 炮 一分

烏 梅 連枝用 去仁 三箇

御米殼 三箇

阿 膠 炒 焦 去粉 三片

右同末。每服一錢。水酒各半盞。煎數沸溫服。乳食前。嘔吐者不可服。

三奇湯 治白利。

御米殼 蜜炙 二兩 塗

酸石榴皮 蜜炙 焦 一兩 塗

阿 膠 炒 去粉 半兩 始粉

右細末。每服半錢。烏梅甘草湯調送下。乳食前。

治熱利方

勝金圓

治熱利下血。

黃

檠去粗皮半兩

赤芍藥四錢

右末飯和圓。如麻子大。每服一二十圓。米飲下。乳食前。

當歸散

治如前。

當

歸去蘆並土一分焙

芍藥一分炒

黃

連去鬚一分炒

枳

殼一分去穢炒黃

右爲細末。每服半錢。水五分。煎至三分。溫服。下血多者。入甘草一寸同煎。乳食

前。

槐花散

治血利不差。

槐

花揀淨炒

地榆等分炒各

右爲細末。每服半錢一錢。米飲調下。乳食前。

聖效散

治血利久不差。

赤石脂一兩燒赤

白龍骨一兩煨

阿

膠一兩剉始炒去粉訶黎勒用半兩

木香半兩

黃連去鬚半兩

乾薑半兩

甘草半兩

右細末。每服半錢。煎粟米飲調下。食前。

厚腸圓 治血利腸虛。

黃連去鬚炒

川楝子去核各一兩 木香

阿膠剉蛤粉炒去粉

當歸去土並土蘆

吳茱萸去枝梗微炒各半兩

右細末。粟米飯和圓。黍米大。每服一二十圓。米飲下。食前。

白梅飲子 治血利不止。

右以白梅一枚。去核鹽水研爛。合臘茶醋湯沃服之。昔陳應之治曾相利血百餘日。諸醫不能療。陳用此一啜而差。又梁相亦病利血。應之曰。此挾水穀者。用

三物散數服而愈。

三物散

胡黃連

烏梅肉

竈下土各等分

右末。每服一錢。臘茶清調下。食前空腹溫服。

又方 治熱利下血。頻併不差。

右以白梅五箇取肉。臘茶二錢。同研勻。細。每服一錢或半錢。白湯點服。或以醋湯沃服之。量大小加減。食前。

黃連丹 治如前。

黃連 去鬚二兩

當歸 去蘆並土一兩洗焙 白頭翁 去蘆三分

蔓菁根 焙乾洗

木香 半兩

川楝子 麵裹煨去核用半兩

右細末。粳米飯和圓。黍米大。每服十粒。米飲下。乳食前。或十五粒。

必效圓 主治如前。

川黃連 去鬚二兩

大棗 半升 乾薑 一兩

肉豆蔻 一分麵裹煨香去麵

右細末。糊圓黍米大。每服五七圓。米飲下。乳食前。兒大增之。

雄黃散 治腸胃虛冷。下利頻併。腹痛不可忍。後重努軀肛脫。

雄黃 一分研細水飛

乳香 一分研細 白礬 飛過一錢研細

右同研勻。每服嬰孩一字。二三歲半錢。陳米飲調下。日三服。乳食前。

艾葉湯 治虛冷下利白膿。

艾葉 微炒一兩

當歸 去蘆並一兩 乾薑 一兩

木香 半兩

訶黎勒煨去核
用半兩

右細末。每服一錢。水一小盞。入粟米少許。同煎至五分。去滓溫服。食前。大小以意加減。

又方 治如前。

右以臘茶一錢。入熱醋少許調服。乳食前。大小以意加減。

又方 治如前。

右以沙牛角。鰓燒存性爲末。粥飲調下一錢或半錢。乳食前。

阿膠圓 治如前。

赤茯苓

赤芍藥各一兩
爲細末

右以米醋煮阿膠一兩和圓。萊豆大米飲下一二十圓。乳食前。

酒煎湯 治腸胃虛冷。泄瀉不止。變成白利。

甘草炙半兩

右粗末。每服二錢。水一盞。生薑三片。棗一箇。煎至半盞。去渣放溫。量大小加減。服。赤多者加黑豆十粒同煎。

三神丹 治如前。

右以肥大無尖草烏頭三箇。各去皮。一箇生。一箇炮熟。一箇燒作黑灰。同爲細末。麵糊圓。如蘿蔔子大。每服三粒。水瀉。并花水下。白利。乾薑湯下。赤利。甘草湯下。赤白滯利。乾薑甘草湯下。食前。

木香炒連圓 治脾胃虛弱。寒溼冷熱相搏。滑泄下利。赤白。

黃連二兩粗好折開如金色者。劉勻如豆大。又用生薑四兩淨洗亦勻切。如豆大。同入石銀器中炒。不住手攪。貴得勻也。炒至生薑焦脆去薑。
不用只用黃連。 訶子煨去核。用半兩。 木香半兩。

右同細末。以溼紙包粟米飯。慢火煨。水脈溜取出。和藥圓。如菉豆大。每服二十圓。食前米飲下。神效。

金鎖散 治赤白滯利。日久不差。

黃連去鬚一分。用茱萸一分。同炒去茱萸。不用只用黃連。 厚朴去粗皮。半兩。

右同細末。嬰孩一字。二三歲半錢。紫蘇木瓜湯調下。日三服。食前。

赤脂丹 治如前。

赤石脂 乾薑炮

肉豆蔻各一兩。麵裹煨。香去麵用。

右細末。麵糊圓。黍米大。每服十粒。米飲下。食前。

治小兒下利膿血

華澄茄一兩

破故紙半兩炒黃

黃連半兩去鬚

木香一分

右細末。每服半錢。陳飲下。米食前。日二服。小兒加減。

治小兒風邪所干。下利頻併。裏急後重。

以前。以天南星一兩。生爲末。每服半錢。水二盞。生薑十片。米十粒。煎至半盞。溫服。食前。

治小兒久利藏毒。下膿血不止。

以好大棗一箇去核。入黃丹半錢。硃砂一皂子許。膩粉十文。並研細置棗肉內。用大麥麵裹。慢火灰中炮香熟。去麵並棗皮了。研極細。入少軟飯。圓如麻子大。量兒大小加減圓數。煎槐花湯下。甚者二服定。食前。

小桃花圓 治小兒赤白利。

赤石脂

龍骨煨

蜜陀僧

定粉

黃丹

炒紫黑
色用

右等分。醋糊圓。菉豆大。每服十圓十五圓。米飲下。乳食前。

治赤白諸利。

以蜂房燒末飲服。量大小與。

又以雞腸草取汁一合。和蜜溫服。良。以雲母粉半兩。更研極細。量兒大小加減。煮白粥拌勻。空腹食之。

又以胡粉熟蒸。熬令色變。飲服之。亦治無辜痢。良。大小以意加減。

治久利不差。

以沒石子二箇。剉熬令黃。研細作餛飩食之。

治小兒諸利薑連圓。

黃連去鬚

龍骨煨

白石脂

川薑炮

枯礬各一兩

右末。以粟米粥和圓。麻子大。每服三十圓。米飲下。乳食前。量大小與服。

木香黃連圓。治冷熱相雜。下利赤白。裏急後重。腹痛絞撮。及腸胃氣虛。暴傷乳

哺。

木香

黃連去鬚各一分白附子尖炮二箇

右細末。粟米飯和圓。菉豆大。或黍米大。每服十圓至二三十圓。量大小與之。食前米飲下。日夜三四服。

四神散 治諸般赤白利。

當歸去蘆並焙乾薑炮

黃檗炒

黃連去鬚等分

右四味。各自爲末。如水穀粒。各用半錢和勻。量兒大小。一錢至半錢。濃煎烏梅湯調下。赤利者加黃檗倍之。白利者加乾薑倍之。後重裏急腸痛者加黃連倍之。腹中絞痛者加當歸倍之。並空心食前服。沈存中言。予家常作此藥。最獲大效。

槲皮湯 治如前。

右以新槲皮不拘多少。去外黑皮。細切曬乾。每服二錢。水一盞。煎至半盞。去渣更煎如膏。量大小溫服立差。食前。

又方 治如前。

右以雞子一箇取清。攤連紙一張令徧。曬乾。疊作四重。包撮烏梅十箇。有肉好。

者。安熨斗內。炭火燒煙欲盡。存性取出。頓一碗中。上用盞子合之。候冷研細。更入水銀粉少許和勻。量兒大小。分三五服。空心并花水調下。如一服微利。止後服。

二色圓 治如前。

吳茱萸

棘去枝梗二兩

黃

連去鬚二兩

巴

豆四十九粒去皮

右同於銚子內炒令黃赤色。去巴豆不用。只將上面二味。各自爲末。麵糊和圓。如蘿蔔子大。看大小緊慢加減圓數。如白利只服茱萸圓。赤利只服黃連圓。白多赤少者。多服茱萸圓。赤多白少者。多服黃連圓。少服茱萸圓。赤白相等者。中半服之。

御米湯 治如前。

御

米十粒和殼用

甘

草二錢炙

當

歸去蘆洗焙一分

黃

連去鬚一分

右末。每服一錢。米飲調下。乳食前。

罌粟圓 治如前。

罌粟殼一兩密炒

酸石榴皮

燒存性四錢

甘

草半兩炙

阿

膠一錢剉去粉

右末。煉蜜和圓。小雞頭子大。每服一圓。水六分。蠶化開。煎至四分。溫服。乳食前。

三烏圓 治如前。

川 烏 一箇

草 烏 一箇

巴 豆 七箇

右各燒及九分。同研細。酒煮黃蠟溶化。入少好油拌和。攪勻成膏。每用旋圓。菴豆大。每服三圓。看大小加減。血利黃連湯下。白利乾薑湯下。水穀利。倒流水下。赤白利。乾薑甘草湯下。

固腸圓 治赤白滯利。多日不差。漸成羸瘦。

黃 連 去鬚 二兩

木 香 二兩

半 夏 二兩 洗七次

乾 薑 二兩 炮

赤石脂 二兩 煨火 五火

厚 朴 夫粗皮 二兩 生薑製白

朮 二兩

右爲細末。麵糊和圓。黍米大。每服十圓。米飲下。乳食前。

健胃丹 治赤白等利疾。日久尪羸。

黃 連 去鬚 剉微 炒一兩

白龍骨 半兩

白石脂 半兩

神 麴 半兩 炒

烏梅肉 半兩 炒乾

乾 薑 半兩 炒

白 礬 枯分 一

右細末。醋糊和圓。黍米大。每服十粒十五粒。米飲下。乳食前。

妙應膏 治久利赤白。諸藥不效。

蜜陀僧末

半兩

黃丹

半兩

定粉

半兩 以醋拌勻。用上火熬。同於銚子內。

訶黎勒皮

木香

各一兩

巴豆

十粒 以醋拌勻。用上火熬。同於銚子內。

麝香

一錢

右同研勻。細先以黃蠟四兩。慢火鎔化。入藥拌勻。熬成膏。每用旋圓。黍米大。未
啐兒一粒。二三歲兒二粒。四五歲三粒。六七歲五粒。血多。冷甘草湯下。膿多。溫
艾葉湯下。臨臥服。忌熱物。亦治積利。

金華散 治滯利多時。羸瘦體弱不堪。疾勢困重。

右好黃連爲細末。每服一錢。水一小盞。煎至盞半。入蜜少許。和勻放溫服之。日

五六服。食前。

又方 治如前。

右以麻子一合。炒香熟爲末。每服一錢。溫蜜漿水和服立效。

木香三使湯 治赤白久利。拖延時月。至天寒不斷。

右以木香方寸許。黃連半兩。水半升。同煮至水乾。去黃連不用。只將木香薄切。

焙乾爲末。分三服。第一服橘皮湯調下。第二服陳米飲下。第三服甘草湯調下。乳食前。

烏金散 治赤白滯利。及有所傷下利。

右以青州棗不拘箇數。去核入白礬末滿。以紙裹煨。存性爲末。每服半錢。米飲調下。未愈宜增之。如赤者。更入好茶半錢同調服。白者不用。

治積利方

軟金丹 治久積成利。

砒霜

雄黃研水

巴豆去皮

右三味等分。各研細末。先以黃蠟看多少於石銀器內炭火鎔化。入藥末。竹篦子左右手各攪四十九徧。如此七次數足。取下火。乘軟搓成小錠。以油單裹置新瓷器中。要用火烘軟。旋圓如粟米大。或如蘿蔔子大。三五粒。量大小病勢加減。赤利溫蠶汁下。白利或赤白雜下。並米飲下。乳食前。

大尊重圓 治虛中有積。腸滑下利。裏急後重。臍腹疼痛。

粉霜三錢

黃丹半兩

定粉半兩

硃砂半兩

膩粉二錢

京三稜末一兩

白

麵五錢少即量添些小

右爲末。同勻。滴水。和圓。曬乾。炭火上炒。令烈焦。再杵羅爲米。棗肉和圓。棗豆大。每服一二圓。米飲下。乳食前。

硃砂萬應圓 治積利久利滯利。一切諸利。多日不差。

硃砂末一錢

硃砂末一錢

巴

豆七箇去皮膜

蠟二棗大許

右於銚子內先鎔蠟。化入巴豆。熬至黑焦。去巴豆不用。卻入上二味。攪極勻。放凝爲劑。如用旋圓。如萊豆大。每服三圓。白利。艾湯下。赤利。黃連湯下。赤白利。黃連艾湯下。水穀利。新水下。乳食前。

針頭圓 治如前。

硃砂半錢

砒一錢

巴

豆七箇用油煎

硫

黃只使穀子大研末更用蠟

爲圓

右旋圓。針頭大。每服一圓。米飲下。量兒大小。加減圓數。食前。

燒青圓 治諸積利。

輕粉二錢

玄精石一分

霜粉一錢

硃砂一錢

右爲末。入白麵二錢拌勻。滴水和劑。捻作餅子。文武火燒熟。再研爲細末。滴水和圓。芥子大。漿水下三四圓。一方保州邵廉訪方。無硃砂。卻有龍腦一字。餘並同。亦不燒。只爲末。水浸蒸餅。圓麻子大。一歲兒一圓。二三歲二圓。四五歲三圓。六七歲五圓。並夜深空腹冷水送下。如虛中沉積。泄利膿血交下。腹痛煩渴。百藥不效。不敢取轉者。服之便愈。並不動氣。忌一切生冷油膩毒物。又名瑞白圓。

治疳利方。在疳疾之下

治蠱毒利方

育腸湯 治蠱利下血。如豆汁赤水。腹痛。

罌粟殼五兩細剉蜜水浸勻炒黃

地榆

槐花拌蜜炒赤

厚朴去粗皮生薑製 甘草炙

橘皮去白

酸石榴皮

當歸洗焙去蘆 白芍藥

五倍子去其中蟲各一兩三錢

阿膠蛤粉炒二兩去粉

右爲粗末。每服二錢。水一盞。入陳粳米二十粒。錫一塊。阜子大。煎至五分。去滓溫服。食前。

緩腸湯 治蟲利如前。

人參 去蘆 白朮

當歸 去蘆並土

白茯苓

厚朴 去粗皮 薑製

白芍藥

甘草 炙各一兩

阿膠 蛤粉炒 去粉

黃耆 蜜炙

陳粳米 炒各二兩

御米殼 炙黃 三兩 蜜

右爲粗末。每服二錢。水一盞。入生薑三片。棗一箇。同煎至五分。去渣溫服。空腹食前。日三服。

犀角散 治蟲利如前。

犀角屑 地榆 剉

黃連 去鬚剉 微炒

柏葉 微炒

黃檗 微炙

黃芩

當歸 去蘆土洗 淨微炒

赤薤 荔取葉

生地黃 各一兩

右爲細末。每服一錢。粥飲調下。乳食前。

地榆圓 治蟲利腸中畜毒下血如豆汁。或諸惡物。

地榆 多一兩

黃連 去鬚一兩

乾藍葉 一兩

川升麻 一兩

川楝子 去核 半兩

右爲細末。軟飯和圓。如黍米大。每服十圓。米飲下。量大小加減。乳食前。

地榆檮皮圓 治如前。

地榆四錢

檮根白皮三錢

白芍藥半錢

阿膠 蛤粉炒去

當歸 去蘆洗淨一錢

烏梅肉半錢

木瓜半錢

枳殼 去穢炒一錢

茯苓一錢

肉豆蔻 一箇 麝香裏去麝

甘草二錢

木香一錢

綿薑炮半錢

金櫻子二錢

人參半錢

右爲末。煉蜜圓。麻子大。每服二三十圓。米飲下。乳食前。

地榆散 治蟲毒利下血。或如雞鴨肝片。腹痛不止。

地榆一兩

甘草半兩

赤芍藥一兩

柏葉一兩

茜根一兩

當歸 去蘆洗淨一兩 微炒 訶梨勒一兩 煨用皮

黃連 去穢微炒一兩

右爲麤散。每服二錢。水一小盞。煎至六分。去滓。乳食前溫服。

白頭翁散 治蟲毒利。如雞鴨肝片。隨膿血而下。

白頭翁 去蘆

黃連 去穢微炒

茜根 剉焙

蘇枋木 剉

故鼓皮 炙焦各一兩

犀角屑半兩

地榆 半兩 剉

甘草一分

右爲細末。每服一錢。水一小盞。煎至六分。去滓溫服。乳食前。

地黃汁 治蠱利畜毒下血。

右以生地黃汁一升。分四五服。量大小與服。食前立效。

治休息利方

鮮湯圓 治休息利。下五色膿血。如爛魚腸無糞。腸中攪痛。

粉 霜一錢

輕 粉一錢

硃 砂一錢

硃 砂一錢

白丁香錢末四

乳 香半錢

巴 豆七箇去油

右爲末和勻。蒸去皮。棗肉爲圓。粟米大。嬰孩二三圓。二三歲兒四五圓。旋圓。兒大者圓如麻子大。鮮湯送下。日三服。及與調胃氣藥間服大良。亦治積利。蠱利。

藏毒利。

神安圓 治如前。

砒 霜一字

龍 骨二字

烏魚骨三字

赤石脂二字

茯 苓三字

黃 連三字

定 粉三字

乾 薑炮三字

黃 丹三字

黃 連三字

定 粉三字

乾 薑炮三字

右爲細末。入麝香少許拌勻。飯和圓。黍米大。每服五圓。輕粉湯下。亦治諸利。赤者。甘草湯下。白者。乾薑湯下。赤白雜者。乾薑甘草湯下。

樗根散 治積年毒利無休息。

樗根白皮

大眼樹是也。取北陰下根一截。擘破用之。無北陰下者亦可。

訶

子七箇取皮去核

右用河水三升。煮取一升。去滓。時時呷服。一方二味等分爲粗末。每服二錢。水一大盞。煎至半盞。去渣溫服。時時呷服。利住喫淡粥。飲乳將息。

治諸利雜證

龍骨散 治下利體熱煩渴。

白龍骨

煨一兩

茯苓神三分

人參去蘆三分

胡黃連半兩

茅根三分

麥門冬去心焙三分

右爲散。每服一錢。水一小盞。煎至五分。去滓服。乳食前。

青黛散 治下利發渴不止。時舉方

青黛一分 乾藕節一兩

蜜陀僧半兩

漢羅乃旱螺一分

右爲末。每服半錢。米飲調下。無時。

冬瓜汁 治如前。

右杵冬瓜汁飲之。

烏梅飲 治如前。

烏梅十箇去核

麥門冬一分去心

蜜二兩

右分爲五七服。用水一小盞煎半盞。入蜜攪勻服之。無時。

楮葉湯 治下利發渴。得水飲便嘔逆不止。

右以楮葉炙令黃香。用漿水半升浸之。候水綠色去葉。以木瓜一箇切碎。內汁中。煮五七沸。去木瓜。放溫細細服。無時。

治嬰小下利。腹大且堅。

右以衣中白魚摩腹上。

治小兒熱下黃赤汁沫。及魚腦雜血。肛中瘡爛。坐蠹生蟲。

黃連去鬚

檳皮炒

苦參

鬼臼

獨活去蘆

橘皮

芍藥

阿膠蛤粉炒去蛤粉各半兩

右爲末。以藍汁及蜜和圓。小豆大。日服五圓至十圓。冬時無藍汁。用子一合爲

末入藥內。

治小兒久利膿汁。溼蠱生瘡。

右以艾葉一味。每服二錢。水一盞。煎至半盞。去滓溫服。更量大小加減。乳食前。

治小兒下利。腹脹堅硬。

右以故衣帶多垢者切碎。水三升。煮取一升。分服。

治小兒卒暴下利。

以小鯉魚一頭。燒灰末之。米飲調下。

以雞子和黃蠟。作煎餅與服。

又以林檎楮子同杵取汁服。以意服之。

黃柿餅 治秋利。

以黃柿搗和米粉作餅。或作粥與食之。

治小兒洞下滑利。

以羊角中骨燒存性爲末。飲調服方寸匕。

治小兒脾胃虛怯。泄利腹痛。

以揀肉豆蔻絕大好者一箇。開一深竅。填乳香一塊。用酵麵裹了。慢火煨麵熟。將藥爲細末。麵糊和圓。菉豆大。每服二十圓。乳食前。米飲下。

養胃丹 治小兒藏寒下利。白膿頻數。

附 子一枚重半兩者
炮裂去皮臍

赤石脂一兩

川 薑炮一兩

訶黎勒皮一兩

右爲細末。粟米飯圓。黍米大。每服十粒。米飲下。乳食前。

脫肛論

小兒脫肛者。謂大腸肛頭脫出也。此因瀉利日久。腸滑冷氣相搏。裏急下重而便難。用力努軀。致肛頭脫而下出。寒冷干乘。不能收返得入。今敍治方於後。

治小兒肛頭脫出

以故麻鞋底炙熱得所。按令入。頻頻按之。卽不出。或燒鼈頭灰研細附上。然後按入永差。

以木賊燒存性爲末。摻上。用手按按令入。

鼈頭圓 治小兒因瀉利。及冷搏積久。脫肛下出。不能返收。腸中疼而不得入。

死鼈頭二箇炙令焦

小蛻皮一箇炙令焦

磁石火煨米醋淬不計偏數以易碎爲度四兩

桂心三兩不見火

右爲細末。煉蜜和圓。小豆大。三歲至五歲兒五七圓。溫服米飲。日三服。一方不用鼈頭。只三味。

赤石脂散 治因瀉利努驢氣下。推出肛頭不入。

真赤石脂 伏龍肝等分

右爲細末。每用半錢。傅肛頭上。頻用按入。

蛛丹散 治因瀉利脫肛疼痛。又名黑神散

右以大蜘蛛一箇。瓠葉重裏繫定。入合子內。燒黑灰存性。入黃丹少許研勻。凡用先煎白礬葱椒湯洗。拭乾。將藥末摻在軟綿上。手掌按按入收之甚妙。亦治大人。又一方桑葉裏。鹽泥固燒。

蕪荂丹 治久利大腸虛冷。肛門脫出。

白蕪荂去枝一兩微炒

鼈甲一兩酥炙去裙欄 蝸牛殼炙焦

磁石燒醋碎十次研火飛

黃

連去鬚微炒半兩

蛭蛇膽

半兩

右爲細末。軟飯和圓。黍米大。每服十粒。粥飲下。乳食前。

二金散

治久利腸頭虛冷。肛門脫出。

龍

骨煨一兩

枯鼈殼

半枚塗酥炙黃用一兩

右爲細末。每用一字。或半錢。乾摻上。按按內之。

又方 以白龍骨研如粉撲之。

又以鼈頭燒灰細末撲之。

又以沿桑螺燒末。和猪膏傅上。立縮收之。此螺全似蝸牛而微黃小。雨後沿桑

而生。

又以虎骨燒末。水調服半錢。或一錢。日三甚良。

治小兒大腸隨肛帶出。轉久不能收之。

以生栝樓取汁塗之。

以猪肉汁蘸手。隨按之。令暖自入。

又以乾胡荽切一升。燒煙熏之。則縮入。

又以木賊不拘多少。燒存性爲末。摻上按按之。

縮沙散 治小兒滑泄。肛頭脫出。

以縮沙一兩。去皮爲末。每用一錢。以猪腰子一片批開。入藥末在內。綿繫。米泔煮熟。與兒食之。次服白礬圓。如脫肛氣逆。偏身虛腫喘急者不治。

白礬圓

枯白礬

定粉

寒水石等分

右爲細末。爛飯研勻和圓。黍米大。每服五圓。煎烏梅湯送下。乳食前。

斗門散 治小兒瀉利多時。青黃羸瘦。脫肛不收。

訶子肉

枳

殼去穢

地

榆各等分

右爲細末。每服一錢。米飲調下。一歲下者半錢。乳食前。

又方 治如前。

香附子

荊芥穗等分

右爲粗末。每用三匙。以水一大碗。煎十數沸。淋音幹。

又方 以浮萍草不拘多少。曬乾杵爲細末。乾貼上。以蝴蝶兒不拘多少。陰乾爲

小兒衛生總微論方

卷十一

脫肛論

未。塗手心。接上卽止。

